



05. november 2018

UKA2018/103

Inuussutissanik allagartalersuisarneq pillugu Namminersornerullutik Oqartussat nalunaarutaanni nr. 1-mi, 2. februar 1994-imeersumi § 11 imm. 2 nummer 1-p allanngorteqqullugu Naalackersuisut peqquneqarnissaanik Inatsisartut aalajangiiffigisassaattut siunnersuut, nalunaaqutsersuisarneq aamma tuluttut pisinnaangortillugu.

(Aleqa Hammond, Nunatta Qitornai)

Steen Lynge Demokraatiniit naalackersuisut suliakkerpai inuussutissanik allagartalersuisarneq aamma tuluttut pisinnaangooqullugu.

Qanga 1994-mili nalunaarut maannakkut atuuttoq eqqarsaatigalugu tamanili nunarsuarmioqataa-nerulersimaqaagut. Attaveqaatitigut, internettikkut attaveqarnikkut, angalasarnikkut, oqaatsinik atuisinnaanikkut aammalu nunarsuarmioqataanikkut. Tuluit oqaasii atorneqarnerulersimaqaat aammalu nunanut allanut attaveqarnermi sakkuupput pingaarnerpaat. Niuerneq aammalu ni-ueqatigiinneq eqaannerusoq atugaalerpoq tamassumalu nassataraa tuluit oqaasii atorlugit inu-unitsinni ulluinnarsiutaaperaartumik tuluit oqaasii atorlutigit imaluunniit atuarluta arlaatigut allas-simasut avaqqussinnaajunnaariartorivut.

Taamaammat siunnersuuteqartoq assorsuaq isumaqatiginarpoq oqaatsit uagut oqaatsitta avataatigut danskit oqaasiinut killegartinneqarata aamma allagartalersuineq tuluit oqaasiinut aamma ikaarsaariartorneq pissusissamisoorpoq.

Nuannaarutigaarput naalackersuisut suliamik aallartitsisimmammata aammalu pilersaarutigigaat su-liartik nangissallugu.

Siunnersuut atuaraanni allassimavoq aaliangiiffigineqassasoq tuluttut allagartalersuisarneq pisin-naangussasoq. Naalackersuisut akissuteqaateqarnerminni allannguutissatut siunnersuummik naa-periaateqarput. Tassanilu naaperiaateqarnerminni oqaaseq atorneqarpoq allagartalersuisinnaaneq misissussagaat.

Oqaatsinik misissuineq aammalu pisinnaangortitsineq assigiinngitsuupput, neriuppugullu siun-nersuuteqartutuut siunertaq anguneqarluni ataatsimiititaliamik eqqummaariffigineqarumaartoq. Taamaatut oqaaseqarluta siunnersuut taparserparput inuussutissarsionermullu ataatsimiitita-liamut innersuupparput.